

COMUN

Le Comun de San Martin de Tor chir apartamënc o poscibilités de alberch por podèi ti dé n daciasa ai profugs dl'Ucraina. *Ciarede tl'ultima plata.*

Sesciuns forestales:

La Staziun di Verdabosc d'Al Plan lascia alsavèi che chësc ann ne gnarál nia tigní la sesciun forestala a San Martin. I paur y patrums de bosc da San Martin é porchèl invia da tò pert a òna dles dōes sères de informaziun a La Pli o a LaVal. Por tò pert òl ester le 2G y mascherot FFP2 !!

- La Pli ai 15 de merz dales 20:00 tla Ciasa dles Uniuns

- La Val ai 17 de merz dales 20:00 tl Salf dles Manifestaziuns

SAN MARTIN Y LUNGIARÜ

La Musiga da San Martin mèt a jí n de dala porta daverta por imparé da conësce i stromënc dla musiga. Al gnará dé informaziuns desvalies y presenté i stromënc che vëgn soná tla musiga. Düc i interessá y apascioná, pici y gragn, é dër bel invia da gní en sabeda, ai 19 de merz, dales 17:00 ales 18:00, tl local dla Musiga a San Martin.

SAN MARTIN

Festa de Sant Ojöp en sabeda, ai 19 de merz é la mëssa prefestia en onur de Sant Ojöp dales **19:00**; do mëssa é düc i òi sura i 30 agn dër bel invia a na picia istruziun te dljia.

LUNGIARÜ

Tl'injunta a chësta Plata dla Cöra ciafëise le protocol dl'ultima sentada dl consëi de cöra che s'á abiné ai 9 de merz.

La Uniun di Òi da Lungiarü invieia düc a la Corona por la pesc en sabeda, ai 19 de merz, festa de Sant Ojöp, dales 19:30 y dales 20:00 ala Mëssa en onur de Sant Ojöp cun Pater Franz Senfter da Oies.

L'Aziënda Museums Provinziai chir por le Museum Ladin de Tor o por le Museum Ladin a San Ciasscian n/a colauradú/dëssa pro la cassa por alplü 24 ores al'edema, 4° nivel. Le contrat é a tēmp determiné dal 01.05. ai 31.10.22. Requisic ghirá: Diplom dla scora mesana plü: Formaziun de almanco 2 agn ti seturs dl comerz, contabilité, aministraziun o secretariat o 2 agn de scora alta cun ejam ECDL. Por info scrí a info@landesmuseum.it. Mené les domandes cun curriculum vitae y foto cina ai 24.03.2022 a info@landesmuseum.it.

La strotöra sozuala La Spona chir por atira n tistler, n/a operadú/ëssa sozio-assistēnzial/a (Sozialbetreuer) o n/a operadú/ëssa sozio-sanitar/a (Pflegehelfer/in). Por info telefonede al **0471 843060** danter les 8.00 – 15.00h y damanede do Manuela Winkler.



Plata dles Ploanies San Martin y Lungiarü



ploan siur Klaus Sottsas 344 15 54 055 - ksottsas@rolmail.net
curat siur Heinrich Perathoner 339 65 74 213
redaziun anton.gasser@rolmail.net - 348 27 44 517 / 0474 523 194

www.valbadiaonline.it/comunite

13.03. - 20.03.22 nr. 16

ultimo termo por comunicaziuns: jöbia, dales 20.00

2ª DOMÈNIA DE CARSÈMA - C

Vangele do Lūca 9,28b-34

Gejù à tut Pire, Jan y Iaco sòn na pert y é jü impara sòn na munt a perié. Y tratan ch'al periâ, s'á mudé l'aspet de so müs, y so guant é diventé blanch lominus. Te n iade baiâ dui òi impara. Al é Mosè y Elia; ai é aparâs te n lominus raiënt y baiâ de süa fin, che dô s'adempli a Ierusalem. Pire y sü compagns ê gnüs coiüs dala sonn, mo ai s'â descedè y odô Gejù te n lominus raiënt y i dui òi che ê dlungia d'ël. Canche chisc dui orô s'un jì demez da d'ël, à Pire dit a Gejù: Maester, al é bun ch'i sun chilò. I orun fà sö trèi üttes, òna por tè, òna por Mosè y òna por Elia. Mo al ne savô nia ci ch'al dijô. Ciamò tratan ch'al baiâ, él gnü na nìora y i à curì cun süa ambria. Ai é rovà ite tla nìora y se temô. Y dal nio scraiâ na usc: Chësc é mi Fi prelité, ascutédele!



Ci sozed pa les edemes dan la trasfiguraziun de Gejù?

5000 òi vëgn pasciüs, spo incünda Gejù danfora süa pasciun y düc chi che ó ti jí dô invieiel da tò la crusc sòn òi: Chi che perd süa vita por me, la salvará.

Chësc n'é nia saurí da intēne. Otedé do spo chësta scena "sciöche tl cil".

Chësc messâ ester n sotissura de sentimēnc por i discepui:

impröma chël che fej mirachi, spo le maltraté, spo chël che é tl cil daciasa.

A me me vára gonot anfat cun mia fede: d'un n vers le sentimēnt che Idí me stá dlungia, dl ater vers spo indò n bel gran ôt. I vëighi de bunes speranzas tla Dljia, defata dedò essí la vöia da m'un desdí de döt y da lascé ester döt cant.

Mo fremëza me dá ala fin ci che Idí dij te chësta contia dla trasfiguraziun:

Chësc é mi Fí bunorü. Le maltraté, chël che mëss la dé sö é da Idí bunorü.

Inultima ói me lascé sòn ci che Idí dij: Òl desses ascuté. Süa parora cunta. image

EDEMA	SAN MARTIN	LUNGIARÛ	 COMUNICAZIUNS DA PERT DL CONSËI DE CÛRA fora dla sentada di 8 de merz 2022: Carsëma • Te scora vëgnel partí fora les scatores por l'oferta de carsëma, che vá chësc ann a bëgn de scolares y scholars ti paisc dles misciuns. • Vigni dedemesaledema dales 18:00 vëgnel dit les staziuns te dlijia, un n iade ince cun les families, scolares y scholars. • Vigni dedolönesc é l dales 18:15 inant la poscibilitè da se confessé te dlijia. • Les confesciuns por la scora elementara vëgn fates tratan l'ora de religiuin. Mëssa di scolars: Da sëgn inant tignunse indô la mëssa di scolars, n iade al mëis, de dedolönesc dales 16:00 te dlijia (15 de merz, 5 d'aurí y 17 de ma). Les families é dër bel inviades da gní cun i mituns y les mitans y da fá para. Sopoltöres: Pro les mësses de sopoltöra vëgnel da sëgn inant porté le scrin te dlijia a na manira che le ce dla persona defunta sides ot cuntra l'alté. Do mëssa vëgnel accompagné la persona defunta fora te cortina por la benedisciun dla fossa y le tó comié (da bur tēmp vëgnel tigní chësta pert te dlijia). <i>Vigni persona á süa vocaziun, so post, te chël che ara pó se svilupé y crësce. Olache ara pó se entusiasmé por valch, olache ara pó ester lōm por i atri. Deache iō sun unica/unich, ne é l degügn de d'atri che pó me tó jō da fá chël, por ci che Chël Bel Dî m'á cherdé. Georg Schwiart</i>
13.03.22 2ª DOMËNIA DE CARSEMA - C	9.00 Corona 9.30 Gran Messa por la Comunità en onur di Agnù Custodi dl ann + Tone Unterweger dl ann + Angelina Tolpei	7.50 Les Staziuns 8.15 Gran Mëssa por la Comunità	
14.03.22 Lönesc <i>Matilda, Conrad</i>			
15.03.22 Dedolönesc <i>Klemens M.Hofbauer, Lucrezia</i>	16.00 Mëssa di scolars fam. Ivan y Franca Sorà + + siur Angel Morlang y Ida Dejaco + Pire Erlacher 18.15 inant: Confesciuns		
16.03.22 Dedemesaledema <i>Herbert, Damian, Ilare</i>	18.00 Les Staziuns	7.30 Mëssa dl ann + Magdalena Flatscher + + Sisto y Tî Clara	
17.03.22 Jöbia <i>Gertrud, Patrick</i>	7.30 Mëssa + Giovanni Sorà (dl ann) + Mariangel Tavella Corona por vocaziuns		
18.03.22 Vëndres <i>Ziril, Eduard</i>	18.30 Adoraziun chîta 19.00 Adoraziun deboriada	7.30 Mëssa a d'int. en onur dl Sanch prezius de Gejú dl ann + Angela Costa + + Paratscha y Chiusura 16.30 Staziuns cun scolars y families	
19.03.22 Sabeda SANT OJÖP <i>Festa dl Pere</i>	19.00 Mëssa prefestia en onur de Sant Ojöp por la Uniun di Èi + Maria Unterweger + Maria Alfreider Zingerle + + Siegfried y Maria Zingerle, Col	19.30 Corona por la pesc 20.00 Mëssa prefestia en onur de Sant Ojöp + Vinzenz Clara, postin + Pire Clara, Paur + + Johann Tatz y Nisio Clara + + Zilia Daporta y Franz Pezzei, Ghestan	
20.03.22 3ª DOMËNIA DE CARSEMA - C	9.00 Corona 9.30 Gran Messa por la Comunità a d'intenziun por l'aumènt dla fede, dla speranza y dla ciarité a d'intenz. en onur de Sant Ojöp Freinad.	7.50 Les Staziuns ciantades dal Cor 8.15 Gran Mëssa por la Comunità	